



Број/Број: 01/а -50-1 – 15-75/10
Сарајево/Sarajevo, 8. априла 2010.

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH je, na 75. sjednici, održanoj 7. aprila. 2010., razmatrao materijale koji su u nadležnosti i Doma naroda, o čemu vas obavještavamo kako slijedi:

1. Prijedlog zakona o zaštiti oznaka geografskog porijekla, predlagač: Vijeće ministara BiH, zakon broj: 01,02-02 -3-18/10, od 3. 2. 2010. (drugo čitanje);
2. Prijedlog zakona o zaštiti topografije integriranog kola, predlagač: Vijeće ministara BiH, zakon broj: 01,02-02-2-16/10, od 3. 2. 2010. (drugo čitanje);
3. Prijedlog zakona o industrijskom dizajnu, predlagač: Vijeće ministara BiH, zakon broj: 01,02-02-2-15/10, od 3. 2. 2010. (drugo čitanje);
4. Prijedlog zakona o žigu, predlagač: Vijeće ministara BiH, zakon broj: 01,02-02-5-14/10, od 3. 2. 2010. (drugo čitanje);
5. Prijedlog zakona o patentu, predlagač: Vijeće ministara BiH, zakon broj: 01,02-02-2-17/10, od 3. 2. 2010. (drugo čitanje);
6. Prijedlog zakona o izmjenama i dopunama Izbornog zakona Bosne i Hercegovine, predlagači: poslanici Milorad Živković, Niko Lozančić i Šefik Džaferović, zakon broj: 01-02-9-20/10, od 10. 2. 2010. (drugo čitanje);
7. Izvještaj Zajedničke komisije oba doma o postizanju saglasnosti o identičnom tekstu Zakona o duhanu Bosne i Hercegovine;
8. Izvještaj komisije Kolegija o nastojanju za postizanje saglasnosti o Prijedlogu zakona o izmjeni i dopuni Zakona o carinskoj politici Bosne i Hercegovine, predlagač: Vijeće ministara BiH, zakon broj: 01,02-02-2-1/10, od 6.1.2010. (zakon u drugom čitanju);
9. Izvještaj o radu Vijeća ministara Bosne i Hercegovine za 2009. godinu, materijal Vijeća ministara BiH broj: 01,02-50-3-360/10, od 22. 2. 2010.;
10. Izvještaj o radu parlamentarnog vojnog povjerenika Bosne i Hercegovine za period oktobar – decembar 2009., materijal parlamentarnog vojnog povjerenika, broj: 01,02-50-3-411/10, od 4. 3. 2010.;
11. Rasprava o zaključcima Vijeća Evropske unije za opće i vanjske poslove o Bosni i Hercegovini i operaciji ALTHEA (EUFOR), prijedlog Komisije za vanjske poslove, zaključak s materijalom broj: 01,02,03/11-05-39/10, od 23. 3. 2010.;
12. Izvještaj komisije Kolegija o nastojanju za postizanje saglasnosti o prijedlogu zaključka broj 2. Komisije za vanjske poslove sa 74. sjednice Doma, održane 24. 3. 2010., povodom rasprave o Izvještaju o aktivnostima Vijeća Evrope u 2009.;
13. Davanje saglasnosti za ratifikaciju;

- a) Sporazuma o zračnom saobraćaju između Vijeća ministara BiH i Vlade Ruske Federacije,
- b) Sporazuma o finansiranju i projektu između KfW, Frankfurt na Majni, i Bosne i Hercegovine – Prikupljanje i tretman otpadnih voda Bihać,
- c) Sporazuma o zajmu između Bosne i Hercegovine i Evropske banke za obnovu i razvoj za projekat Mahovljanska petlja,
- d) Sporazuma između Vijeća ministara BiH i Vlade Crne Gore o prijevozu putnika i tereta u međunarodnom drumskom saobraćaju,
- e) Sporazuma između Bosne i Hercegovine i Republike Indije o međusobnoj pravnoj pomoći u krivičnim stvarima,
- f) Sporazum o zajmu (Projekat poboljšanja životnih uslova na selu) između Bosne i Hercegovine i Međunarodnog fonda za poljoprivredni razvoj,
- g) Memoranduma o razumijevanju između saveznog ministra odbrane i sporta Republike Austrije, Vijeća ministara BiH, Vlade Republike Hrvatske, Vlade Kraljevine Danske, Ministarstva vanjskih poslova Republike Francuske, Vlade Republike Mađarske, Vlade Republike Makedonije, Vlade Kraljevine Holandije, Vlade Kraljevine Norveške, Vlade Republike Poljske, Vlade Švicarske Konfederacije, Vlade Republike Turske, Vlade Ujedinjenog Kraljevstva Velike Britanije i Sjeverne Irske i Vlade Sjedinjenih Američkih Država, vezano za saradnju u radu Centra za obuku za operacije podrške miru u Bosni i Hercegovini.

Ad.1.

Predstavnički dom *usvojio je* Zakon o zaštiti oznaka geografskog porijekla u drugom čitanju s četiri amandmana koji glase:

Amandman I.

U Prijedlogu zakona o zaštiti oznaka geografskog porijekla u članu 78. stav (6) mijenja se i glasi:

„(6) U postupku osiguranja dokaza, prema odredbama ovog člana, primjenjuju se odgovarajuće odredbe zakona o parničnom postupku, a koje se odnose na privremene mjere, osim ako je ovim zakonom drugačije određeno.“

Amandman II.

U članu 85. stav (1) mijenja se i glasi:

„(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.“

Amandman III.

Iza člana 91. dodaje se novi član 92. i glasi:

„Član 92.

(Jedinstvena primjena odredbi o Komisiji za žalbe u Zakonu o patentu, Zakonu o žigu i Zakonu o industrijskom dizajnu)

Odredbe čl. 69. i 70. ovog zakona i odgovarajuće odredbe Zakona o patentu, Zakona o žigu i Zakona o industrijskom dizajnu, kojima se uređuje Komisija za žalbe Instituta, primjenjuju se na način da se formira jedna komisija za žalbe.“

Amandman IV.

Dosadašnji član 92. postaje član 93.

Ad.2.

Predstavnički dom *usvojio je* u drugom čitanju Zakon o zaštiti topografije integriranog kola.

Ad.3.

Zakon o industrijskom dizajnu *usvojen je* u drugom čitanju sa šest amandmana koji glase:

Amandman I.

U Prijedlogu zakona o industrijskom dizajnu u članu 86. stav (6) mijenja se i glasi:

„(6) U postupku osiguranja dokaza, prema odredbama ovog člana, primjenjuju se odgovarajuće odredbe zakona o parničnom postupku, a koje se odnose na privremene mjere, osim ako je ovim zakonom drugačije određeno.”

Amandman II.

U članu 96. stav (1) mijenja se i glasi:

„(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.“

Amandman III.

Iza člana 102. dodaje se novi član 103. i glasi:

„Član 103.

(Jedinstvena primjena odredbi o Komisiji za žalbe u Zakonu o patentu, Zakonu o zaštiti oznaka geografskog porijekla i Zakonu o žigu)

Odredbe čl. 77. i 78. ovog zakona i odgovarajuće odredbe Zakona o patentu, Zakona o zaštiti oznaka geografskog porijekla i Zakona o žigu, kojima se uređuje Komisija za žalbe Instituta, primjenjuju se na način da se formira jedna komisija za žalbe."

Amandman IV.

Dosadašnji član 103. postaje član 104.

Amandman V.

U članu 16. stav (2) briše se.

Amandman VI.

U članu 73. Prijedloga zakona u stavu (8) riječi : “uz plaćanje takse i plaćanje postupka”. brišu se.

U istom članu stav (9) briše se.

U istom članu stav (12) mjenja se i glasi :

“(12)Rješenje o proglašenju rješenja o priznanju industrijskog dizajna ništavnim koje je konačno u upravnom postupku Institut će objaviti u službenom glasilu. U slučaju da je

pokrenut upravni spor, Sud može na prijedlog tužioca donijeti rješenje da se konačno rješenje ne objavljuje do odluke u upravnom sporu.”

Ad.4.

Zakon o žigu *usvojen je* u drugom čitanju s četiri amandmana koji glase:

Amandman I.

U Prijedlogu zakona o žigu u članu 87. stav (6) mijenja se i glasi:

"(6) U postupku osiguranja dokaza, prema odredbama ovog člana, primjenjuju se odgovarajuće odredbe zakona o parničnom postupku, a koje se odnose na privremene mjere, osim ako je ovim zakonom drugačije određeno.“

Amandman II.

U članu 97. stav (1) mijenja se i glasi:

"(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.“

Amandman III.

Iza člana 103. dodaje se novi član 104. koji glasi:

"Član 104.

(Jedinstvena primjena odredbi o Komisiji za žalbe u Zakonu o patentu, Zakonu o zaštiti oznaka geografskog porijekla i Zakonu o industrijskom dizajnu)

Odredbe čl. 78. i 79. ovog zakona i odgovarajuće odredbe Zakona o patentu, Zakona o zaštiti oznaka geografskog porijekla i Zakona o industrijskom dizajnu, kojima se uređuje Komisija za žalbe Instituta, primjenjuju se na način da se formira jedna komisija za žalbe.“

Amandman IV.

Dodavanjem novog člana 104. sadašnji član 104. postaje član 105.

Ad.5.

Predstavnički dom *usvojio je* Zakon o patentu sa sedam amandmana koji glase:

Amandman I.

U Prijedlogu zakona o patentu u članu 107. stav (8) mijenja se i glasi:

„(8) U postupku za izricanje privremene mjere primjenjuju se odredbe zakona o parničnom postupku, ako ovim zakonom nije drugačije određeno. Postupak u vezi sa izricanjem privremene mjere je hitan.“

Amandman II.

U članu 108. stav (5) mijenja se i glasi:

„(5) U postupku osiguranja dokaza, prema odredbama ovog člana, primjenjuju se odredbe zakona o parničnom postupku, a koje se odnose na sudske mjere osiguranja, osim ako je ovim zakonom drugačije određeno. Postupak osiguranja dokaza je hitan.“

Amandman III.

U članu 116. stav (1) mijenja se i glasi:

„(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.“

Amandman IV.

U članu 118. stav (2) mijenja se i glasi:

„(2) Prijave patenata koje su Institutu podnesene prije 27. februara 2002., a po kojima postupak nije okončan, bit će odbijene, odnosno odbačene u dijelu u kojem se zahtijeva zaštita materija ili smjesa u liječenju ljudi ili životinja. Upotreba materija ili smjesa za proizvodnju lijeka za ljude ili životinje ne predstavlja povredu patenta za izum te materije ili smjese ako je prijava za priznanje patenta za taj pronalazak podnesena do 27. februara 2002. godine.“

Amandman V.

Iza člana 122. dodaje se novi član 123. koji glasi:

"Član 123.

(Jedinstvena primjena odredbi o Komisiji za žalbe u Zakonu o žigu, Zakonu o industrijskom dizajnu i Zakonu o oznakama geografskog porijekla)

Odredbe čl. 99. i 100. ovog zakona i odgovarajuće odredbe Zakona o žigu, Zakona o industrijskom dizajnu i Zakona o oznakama geografskog porijekla, kojima se uređuje Komisija za žalbe Instituta, primjenjuju se na način da se formira jedna komisija za žalbe."

Amandman VI.

Dodavanjem novog člana 123. sadašnji član 123. postaje član 124.

Amandman VII.

U članu 32. stav (8) mijenja se i glasi: „Ako podnosilac ne postupi po pozivu Instituta iz člana 6. ovog Zakona, prijava patenta kojoj je utvrđen datum podnošenja smatrat će se povučenom o čemu se donosi poseban zaključak o obustavi postupka.“

Ad.6.

Zakon o izmjenama i dopunama Izbornog zakona Bosne i Hercegovine *usvojen je* u drugom čitanju sa osam amandmana koji glase:

Amandman I.

Član 32., koji glasi: „U članu 16.14. u stavu 5. riječi: „30 minuta“ zamjenjuju se riječima: 60 minuta.“ briše se.

Amandman II.

Član 33., koji glasi: „U članu 16.15. u stavu 1. riječi: „ u trajanju od najviše 60 minuta sedmično“ brišu se.

Amandman III.

U članu 12. Prijedloga zakona, prvi stav koji se odnosi na izmjenu stava (3) u članu 2.19 Zakona, briše se.

Amandman IV.

U članu 13. Prijedloga zakona, drugi stav koji se odnosi na uvođenje novog stava 10 u članu 3.15 Zakona, briše se.

Amandman V.

U članu 35. Prijedloga zakona, u prvom stavu, iza riječi: "... i javnim površinama" dodaju se riječi: „osim na mjestima predviđenim za plakatiranje i oglašavanje“.

Amandman VI.

U članu 10. Prijedloga zakona o izmjenama i dopunama Izbornog zakona Bosne i Hercegovine dodaje se novi stav 2. koji glasi:

„2. U istom članu i u istom stavu dodaje se nova rečenica koja glasi:

„Sastav izborne komisije će, u pravilu, odražavati ravnopravnu zastupljenost spolova.“

Amandman VII.

U članu 27. Prijedloga zakona o izmjenama i dopunama Izbornog zakona Bosne i Hercegovine dodaje se novi stav 1. koji glasi:

„1. U članu 7.2 u istom stavu dodaje se nova rečenica koja glasi:

„Centralna izborna komisija zabranit će isticanje, štampanje i rasturanje oglasa, plakata, postera i drugih materijala, koji se koriste u svrhu izborne kampanje političkih stranaka, koalicija, listi nezavisnih kandidata ili nezavisnih kandidata, na kojima se žene ili muškarci predstavljaju na stereotipan i uvredljiv ili ponižavajući način i naložiti političkoj stranci, koaliciji, listi nezavisnih kandidata ili nezavisnom kandidatu da postavljene materijale ukloni. Odluka Centralne izborne komisije je konačna u upravnom postupku, ali se protiv nje može pokrenuti upravni spor.“

Amandman VIII.

U članu 32. Prijedloga zakona o izmjenama i dopunama Izbornog zakona Bosne i Hercegovine dodaje se novi stav 1. koji glasi:

„U članu 16.14 u stavu 3. dodaje se nova rečenica koja glasi:

„Zabranjeno je vođenje izborne kampanje putem elektronskih i printanih medija koja je stereotipnog i uvredljivog sadržaja u odnosu na muškarce i/ili žene ili koja podstiče stereotipno i uvredljivo ponašanje na osnovu spola ili ponižavajući odnos prema pripadnicima različitih spolova.“

Ad.7.

Predstavnički dom **usvojio je** Izvještaj Zajedničke komisije oba doma o postizanju saglasnosti o identičnom tekstu Zakona o duhanu Bosne i Hercegovine.

Ad.8.

Predstavnički dom je, nakon što nije postignuta saglasnost u Kolegiju kao komisiji, u drugom krugu glasanja **usvojio** Zakon o carinskoj politici Bosne i Hercegovine, u drugom čitanju.

Ad.9.

Predstavnički dom **usvojio je** Izvještaj o radu Vijeća ministara Bosne i Hercegovine za 2009. godinu, sa mišljenjima komisija Predstavničkog doma i zajedničkih komisija oba doma.

Usvojeni su sljedeći zaključci proizašli iz rasprave:

„1. Predstavnički dom Parlamentarne skupštine BiH izražava nezadovoljstvo činjenicom da Vijeće ministara BiH nije realiziralo više od 150 zaključaka ovog doma, te zbog toga traži od Vijeća ministara BiH da u najkraćem roku pristupi njihovoj realizaciji“.

2. Obavezuje se Predstavnički dom da na sljedećoj sjednici izvrši imenovanje vršioca dužnosti direktora Agencije za prevenciju korupcije i koordinaciju borbe protiv korupcije koji će te poslove obavljati do imenovanja direktora.“

Ad.10.

Predstavnički dom *usvojio je* Izvještaj o radu parlamentarnog vojnog povjerenika Bosne i Hercegovine za period oktobar – decembar 2009.

Ad.11.

Predstavnički dom *usvojio je* zaključak Komisije za vanjske poslove koji glasi:

„Predlaže se Predstavničkom domu da ove dokumente primi k znanju i da pozove sve nadležne institucije na ispunjavanje obaveza navedenih u ovim dokumentima.“

Ad.12.

Nakon što nije postignuta saglasnost u Kolegiju kao komisiji, Predstavnički dom u drugom krugu glasanja, *nije usvojio* zaključak broj 2. Komisije za vanjske poslove sa 74. sjednice Doma, održane 24. 3. 2010., povodom rasprave o Izvještaju o aktivnostima Vijeća Evrope u 2009. koji glasi:

„Predstavnički dom traži od Vijeća ministara BiH da izradi akcioni plan po kojem bi se operativno na jasan način uredilo pitanje ispunjavanja obaveza i preporuka iz Izvještaja o funkcioniranju demokratskih institucija BiH, Rezolucije 1701 (2010) i Preporuke 1894 (2010).“

Ad.13.

Perdstavnički dom *dao je saglasnost* za ratifikaciju:

- a) Sporazuma o zračnom saobraćaju između Vijeća ministara BiH i Vlade Ruske Federacije,
- b) Sporazuma o finansiranju i projektu između KfW, Frankfurt na Majni, i Bosne i Hercegovine – Prikupljanje i tretman otpadnih voda Bihać,
- c) Sporazuma o zajmu između Bosne i Hercegovine i Evropske banke za obnovu i razvoj za projekat Mahovljanska petlja,
- d) Sporazuma između Vijeća ministara BiH i Vlade Crne Gore o prijevozu putnika i tereta u međunarodnom drumskom saobraćaju,
- e) Sporazuma između Bosne i Hercegovine i Republike Indije o međusobnoj pravnoj pomoći u krivičnim stvarima,
- f) Sporazum o zajmu (Projekat poboljšanja životnih uslova na selu) između Bosne i Hercegovine i Međunarodnog fonda za poljoprivredni razvoj,
- g) Memoranduma o razumijevanju između saveznog ministra odbrane i sporta Republike Austrije, Vijeća ministara BiH, Vlade Republike Hrvatske, Vlade Kraljevine Danske, Ministarstva vanjskih poslova Republike Francuske, Vlade Republike Mađarske, Vlade Republike Makedonije, Vlade Kraljevine Holandije, Vlade Kraljevine Norveške, Vlade Republike Poljske, Vlade Švicarske Konfederacije, Vlade Republike Turske, Vlade Ujedinjenog Kraljevstva Velike Britanije i Sjeverne Irske i Vlade Sjedinjenih Američkih

Država, vezano za saradnju u radu Centra za obuku za operacije podrške miru u Bosni i Hercegovini.

PREDSJEDAVAJUĆI
PREDSTAVNIČKOG DOMA
dr. Milorad Živković, s.r.